

Probisional a Panagbotos (Provisional Voting)

Ti Linteg iti Itutulog iti Panagbotos iti America iti 2002 (Help America Vote Act of 2002 wenno HAVA) ket yestabilisarna ti kalintegan ti botante a mangitinnag iti probisional wenno temporario a balota no:

- Ti nagan ti botante ket saan nga agparang iti opisial a listaan dagiti rehistrado a botante; wenno
- Ti maysa nga opisial nga agpapaay iti eleksion ket ibagana a ti botante ket saan a kualipikado nga agbotos.

Fail-Safe a Panagbotos (Fail-Safe Voting)

Ti fail-safe a botante ket isu daydiay tao a damona ti agbotos a sakbayna, nagparehistro nga agbotos babaen ti koreo ngem saan a nakaited kadagiti pammaneknek iti kinaasino (identipikasion) a kasapulan ti HAVA, iti man panawen a panagparehistrong wenno bayat ti kaaddana iti lugar a pagbotosan wenno iti panawen a panangisublina iti absentee ballot nga inaramatna iti panagbotosna. Iti kasta a situasion, ti botante ket nakaisubmitir iti probisional a balota. Ngarud, ti botante ket masapul nga ikkana ti Opisina ti Klerk (Clerk's Office) iti kasapulan nga identipikasion tapno mairaman ti botosna iti pannakabilang dagiti botos, iti di naladladaw ngem dagitoy a petsa:

Eleksion Primaria: Agosto 16, 2016

Eleksion Heneral: Nobiembre 10, 2016

Panangitinnag iti Probisional a Balota

Ti botante ket mapalubosan a mangitinnag iti probisional a balota apaman a makompletong ti naisurat a pammaneknek a mangibagbaga a ti individual ket:

- Maysa a rehistrado a botante nga adda iti hurisdiksion a pangpanggepena a pagbotosan; ken
- Kualipikado nga agbotos iti dayta nga eleksion.

Ti Opisina ti Klerk ket isunto ti mangdeterminar no ti probisional a balota ket mairaman iti pannakabilang dagiti botos a kas mayayon iti Paglintegan ti Estado. Ti botante ket maberipikarnanto no nairaman ti balota iti pannakabilang dagiti botos wenno saan, ken maammuannanto no apay a di nairaman, babaen ti itatawagna a libre iti maited a numero ti telepono wenno babaen ti website ti Opisina Dagiti Eleksion (Office of Elections) iti www.elections.hawaii.gov.

Para iti kompleto nga impormasion, basaen ti HAVA, Titulo III, Dagiti Seksion 302 & 303.

Daytoy a PAGBASAAN (FACTSHEET) ket nairanta laeng a mangipaay iti impormasion a saan ket nga usaren a kas autoridad maipanggep iti paglintegan iti eleksion iti Hawaii. Dagiti rekititos ken/wenno deadlines ket mabalina a mabaliwan. Konsultaren ti Dagiti Narebisar a Paglintegan ti Hawaii (Hawaii Revised Statutes) ken dadduma pay a paggapuan ti impormasion para iti nayon a detaliado a kasapulan.

Opisina Dagiti Eleksion

802 Lehua Avenue

Pearl City, Hawaii 96782

Telepono: (808) 453-VOTE (8683)

Libre nga Itatawag iti Kaarruba nga Isla (Neighbor Island Toll Free): 1-800-442-VOTE (8683)

TTY: (808) 453-6150
